

§ 5.

Fondstyret skal føra møtebok som saman med rekneskapen kvart år vert framlagt for Bergsdalen Jordbrukslag.

§ 6.

Desse vedtektene kan berre endrast etter vedtak på årsmøte, etter godkjenning av B.K.K.

Bergsdalen Jordbrukslag, 25. februar 1978.

Statuttane for jordbruksfondet i Bergsdalen.

§ 1.

Jordbruksfondet skal vera til framhjelp og utviding av gardsbruka i Bergsdalen, til nydyrking, bureising, kulturbeite, grøfthing, skogplanting, vyrdsling av skog, jord, fremjing av feavlen, i det heile til å fremja jordbruket og dei næringar som stend i samband med dette.

§ 2.

Dugande, strevsame bønder eller borni deira, som skal verta gardbrukarar, kan gjevast studnad av fondsrentone til å koma seg ut for å sjå og læra rasjonell gardsdrift. Det kan og gjevast studnad til dei som ynskjer gå kurs eller skular som gjev opplæring i jordbruk eller skogbruk.

§ 3.

Fondsmidelen kan ikkje rørast, og han vert å setja ut slik som fastsett for midlar til offentlege stiftelsar.

§ 4.

Dersom rentone eller ein del av dei innan ein tidsbolk av 4 - fire - år ikkje vert nytta, grunna at det ikkje er søkjarar, eller søkjarar som styret finn ikkje oppfyller fondet sine krav, vert rentone å leggja til fondet og vert då urørlege. Tildelingi skjer på beste måte, sovidt mogeleg med omsyn til trong og etter grunngjeven søknad, som vert å senda fondsstyret innan 1. januar kvart år.

§ 5.

Det skal førast møtebok og serskild rekneskap for jorddyrkingsfondet, og rekneskapen skal innan 1. juli kvart år i ettersett stand, saman med årsmelding, leggjast fram for heradsstyret til godkjenning.

§ 6.

Jordbruksfondet skal styrast av 5 mann, valde av heradsstyret, derav 2 frå Bergsdalen, 1 frå jordstyret og 2 frå heradsstyret, dessutan 3 varamenn. Dei vert valde for 4 år om gongen og kan, om dei er viljuge til det, attveljast. Styret vel seg i millom formann, varaformann og kassastyrar. Styret skal kontrollere at dei tildelte midlar vert nytta i samsvar med vedtektene og etter planar godkjende av jordstyret. Styret er vedtaksført når 3 av dei møter. Ved likt røystetal har formannen 2 røyster.

§ 7.

Desse vedtektene kan brigdast dersom fleitalet av fondsstyret finn det turvande, men brigde eller andre vedtekter kan ikkje gjerast gjeldande før dei er framlagde for heradsstyret og godkjende av Departementet.

Rett avskrift.

Evanger formannskap 1/10 1951.

For ordf.

N. J. Horvei.

Semje

Langs Bergsdalselva frå garden Fosse til grensa Voss-Kvam, og langs Kaldåne frå inntaksdam ved Idlegjel til Bergsdalselva er sett opp gjerde på dei strekningar der elva eller lendet ikkje er sjølvgjerdande. Gjerdet er kosta av B.K.K.

Mellom oppsitjarane i Bergsdalen (oppsitjarane) og Bergenshalvøens Kommunale Kraftselskap (B.K.K.) er gjort slik semje:

§ 1.

Oppsitjarane tek på seg vedlikehaldet av gjerdet og har ansvaret for at dette vert utført på rimelegaste måte, og slik at gjerdet held sin noverande standard.

§ 2.

Til å stå for vedlikehaldsarbeidet og føring av rekneskap for dette skal oppsitjarane velja ein nemnd. Melding om dette og seinare endring i nemnda vert å senda B.K.K.

§ 3.

B.K.K. stiller kontantmidlar til rådvelde for gjerdenemnda ved innbetaling på konto i Bruvik Sparebank med høvelege summar etter oppgave frå nemnda over føreståande vedlikehaldsarbeid. Desse innbetalingane på gjerdekontoen skal vera omkring 1. mai og 1. oktober. Rekneskap sendast B.K.K. kvart år pr. 31. desember, innan 31. januar det neste år.

§ 4.

B.K.K. skal halde lager av turvande gjerdematerialar, og gjerdenemnda kan rekvirere det som etter kvart trengst til vedlikehaldet.

§ 5.

Syner det seg turvande med utviding av gjerdet skal B.K.K. ta kostnaden med dette. Om B.K.K. ynskjer det tek oppsitjarane på seg arbeidet.